

貴陽府志卷六十九

知貴陽府事泰和周作樞夢巖輯
知貴陽府事傅自來德樞校刊

錄十六

總部政績錄第八之八

蔡毓榮

范承勲

王繼文

高其倬

蔡毓榮漢軍正白旗人父士英官漕運總督毓榮初任佐領兼刑部郎中尋授京畿道御史兼參領遷秘書院學士康熙五年授刑部侍郎七年改吏部侍郎貴陽府志

卷六十九

總部政績錄第八之八

一

九年授四川湖廣總督駐荊州以平吳三桂吳世璠功二十一年大軍自雲南凱還駐貴州者亦還適雲貴總督趙良棟還京以毓榮為雲貴總督時土司安坤沙起龍龍天祐皆助討吳逆有功毓榮許其復職天祐加銜至總兵都督二十二年

上命兵部右侍郎庫勒納赴貴州議之

諭之曰曩時吳三桂見土司富厚因收其土地今既歸順

或云更設土司或云設立流官衆論互異朕思土司止有大定黔西平遠威寧四府錢糧亦不甚多爾等為經畫使可永遠遵行十二月庫勒納至貴州與毓

榮會疏白平遠大定黔西舊為水西安坤所屬威寧為坤子重聖所屬自康熙四年設立流官相安已久差糧悉無違誤安勝祖宜去烏撒土知府衙不得擅預軍民事所有水西宣慰使仍令承襲土州同龍天祐向因殺賊著有勞績奉

旨授

以左都督總兵銜今若及身削奪恐不足以鼓勵土人之心今仍以總兵銜管州同事土官子弟世襲相仍不由選舉罔知讀誦應令有志向上者於就近各府一體應試酌定若干名必諳習經書通達文義者方如數取錄從之是年以毓榮劾革衛國事鐫五級貴陽府志

卷六十九

總部政績錄第八之八

二

上不

許曰苗民賴弓弩長鎗捕獵為業若概禁止則失其生計治民惟有撫綏若不受民肆其殘虐民操白梃亦可為非毓榮又奏苗民長官汪洪祚貪殘宜改土歸流金筑安撫金式美喇平長官宋世爵十二營長官蕭愷丹平長官莫某三郎長官楊世勲赤溪楠洞長官吳承宣楊文燾龍泉土主簿朱額土縣丞安師弼皆以議叙土司不準承襲從之部議裁貴州兵改黔西平遠二鎮為協各截一營遊擊一員守備一員

千總一員把總四員兵四百二

名又裁鎮遠兵三

百黎本都勻兵各百二十共一

十三百八十名統榮

以貴州多苗蠻兵不可減軍之

不從

廷議以三桂作逆由於兵多又

議裁貴州兵六千六

百統榮以恢復未久請俟三年

後且言撫標大定兵

缺宜補用疏皆駁提督侯襲爵

疏口裁兵之議已久

但貴州東趙南粵西滇北蜀四

省咽喉且在萬山之

中苗蠻繁多性嗜劫殺又被身

逆潛踞恢復不久人

懷疑懼非重兵不足以彈壓計

通省兵僅二萬六千

有奇防隘護糧各營每以汎廣

兵單告今止留兵二

貴陽府志

卷六十九

總部政績錄

三

萬裁兵六千六百併家口萬餘

一旦驟減兵非土著

無家可歸兼之災旱頻仍資生

乏策勢必相聚為匪

乞將各鎮應裁之兵酌撥撫標

及大定鎮遠充補缺

額無容另募其餘俟三年後照

數完裁部議從之遂

以次裁大定威寧安籠三鎮兵

各七百二十黔西平

遠鎮遠三協兵各六百定廣協

兵二百四十銅仁協

兵百貴陽營兵二百平越營兵

百四十都勻營兵四

十思南營兵百四十畢赤營兵

二百共五千一百名

初吳三桂欲握兵柄每激變止

司苗人以征勦立功

而盡利其所有因增置兵成漸

成尾大之勢

上懲其禍及毓榮勅玉騰龍請無裁兵

上惡之二十五年二月

上諭吏兵二部曰我

國家掃除逆孽平定遐荒即負山阻等之民咸輸貢

賦封疆大吏自宜宣布德意動其畏懷近見雲南貴

州四川湖南廣西諸省督撫提鎮不惟不善撫綏更

恣苛虐利其珍奇貨藏圖為已有誅求不遂因之起

釁職為厲階蠢爾有苗激成抗拒即擢殺一二說稱

千百始黷貨以生端既邀功以逞志藐玩罔恤殊負

委任朕思苗蠻土司授官輸賦悉歸王化有何机阻

貴陽府志

卷六十九

總部政績錄

四

互相格鬥無有安居嗣後如何立法務令督撫提鎮

洗心易慮痛改前非推誠示信化導安輯各循土俗

樂業遂生亦令苗民恪遵約束不致侵擾內地居民

以副朕撫馭遐方至意閏四月毓榮改倉場總督十

月改兵部侍郎十二月以毓榮隱匿沒官婦女狗縱

逆黨擬斬立決

命免死與其子琳發黑龍江後遇赦還三十八年卒毓榮

去雲貴總督任范承勲繼之

范承勲漢軍錢黃旗人大學士文程第三子福建總

督承謨弟也以廕生入國子監康熙三年授工部員

外郎七年遷刑部郎中十二月充

大清會典纂修官十六年授江南道監察御史巡視西城十八年協理河南道事十九年閏八月改補吏部郎中二十二年監崇文門稅務二十年八月補內閣學士二十四年二月授廣東巡撫二十五年閏四月擢雲貴總督與貴州巡撫慕天顏奏改普安仍食川鹽語具天顏錄二十六年請改貴州諸衛所為縣疏曰裁汰冗員本期勉息軍民臣到任後即行知兩省藩臬會議滇省衛所臣已奏裁在案據貴州藩臬稱康熙十一年已改清平等五衛為縣尚存十五衛貴陽府志卷五十九 總督政績錄第八卷 五

十所有專城者有與府州同城者有與州縣犬牙相錯者軍丁納糧與民無異當分晰裁改如偏橋衛在鎮遠一府兩縣之間而施秉民糧稀少應併入施秉縣仍屬鎮遠施秉原未設學今得偏橋地又有驛務應裁去守備一員教授一員設施秉訓導一員偏橋驛丞一員與隆衛地錯黃平應併入黃平州移州於衛治其驛站仍屬平越府管理裁守備一員經歷一員其與偏營改為黃施營營制無異黃平州學原兼餘慶甕安二學今州治既移裁興隆教授一員以學正移駐其地別設義學訓導一員兼攝餘慶縣

學新添衛附近貴定今田賦無多應裁衛歸縣移縣治於衛城仍管驛站屬貴陽府裁守備千總經歷各一員貴定原與龍里合學今裁衛教授改設訓導一員貴筑新貴同附會城應改為一縣恐與新貴地方差徭不均將新貴量行割附應名貴筑屬貴陽府兩衛原未設學應毋庸議裁去守備千總各二員經歷一員改設知縣一員典史一員此貴東諸衛之當裁改者也如鎮西威清應共設一縣而以赫聲威武二所附之縣治設於威清仍管驛站應名爲清鎮縣裁守備千總經歷守禦所千總各二員鎮西衛原附安貴陽府志卷五十九 總督政績錄第八卷 六

順府學今二衛合爲一縣應裁威清教授改設縣訓導一員平壩衛路當孔道管理驛站應設一縣即名安平以附近之柔遠所併入裁守備千總經歷守禦所千總各一員改設知縣典史各一員裁教授一員改縣訓導一員附近普定縣之定南所併入普定裁守禦千總一員附近南籠廳之安隆所併入南籠裁守禦千總一員至普安州同城之普安廳應裁衛歸州裁守備千總經歷各一員仍屬安順但普安有兩站州官僅可管理在城驛務吏目又有佐理巡捕之貴其亦資孔一驛應設驛丞一員此貴西衛所所當

裁改者也又會城西北之敷勇衛應改設一縣而以
修文濯靈于裏息烽四所附之即名修文仍治衛城
裁守備經歷各一員守禦衛千總四員改設知縣典
史各一員裁衛教授一員設縣訓導一員又永寧衛
係川黔襟喉應爲一縣即名永寧而以舊市所併入
裁守備經歷守禦千總各一員設知縣典史各一員
裁衛教授一員改設縣訓導一員畢節衛無州縣可
歸亦應改設一縣而以赤水衛併入即名畢節裁守
備二員千總一員經歷二員改設知縣典史各一員
裁衛教授二員改設縣訓導一員二縣皆屬大定府

貴陽府志

卷六十九

總部政績錄第八卷

七

至烏撒衛與威寧府同城應併入府裁守備千總教
授各一員此西北衛所當裁改者也衛所既裁都司
一官無所事事亦應裁去武備事務即令藩司管理
操捕都司亦應裁去製辦火藥照他省例令城守營
管理其都司經歷併應裁去已上共裁都司一員操
捕都司一員都司經歷一員衛守備十五員衛千總
十員守禦所千總十員衛經歷十員衛教授十一員
俱咨部改補應設知縣七員典史七員訓導七員驛
丞二員應咨部照缺銓補再查各府有稱軍民者今
既概編爲民則軍民字樣亦應裁去已上皆經臣等

詳明商酌以宜從之通計應裁官六十員應設官三
十二員稍減經費以紓物力亦省官省事之一助也
至各衛所土田人民跨入他境應查附近州縣酌量
歸併新設州縣幅員廣大者查附近州縣糧額多寡
酌量割附容臣等與兩司查明另冊報部二十八年
二月與貴州巡撫田雯請設甕安縣學十二月會兵
部郎中溫保雲南巡撫王繼文貴州巡撫田雯勘四
川判夷阿所於南甯縣語具田雯錄初提督馬三奇
以貴州路峻險撥運兵米浮於正項奏請折價給銀
部議兵米少處米價必賤兵米多處米價必貴殊難

貴陽府志

卷六十九

總部政績錄第八卷

八

定例令承勲會撫提察議二十九年三月承勲言每
歲折征米二萬石若照有米處折給則價賤不給轉
買其苦在兵照米少處折給則價貴而征輸必倍其
苦在民惟斟酌損益於秋成時令各府照實價估算
本折均搭給兵自買從之三十一年八月會吏部尚
書庫勒納內閣學士溫保于貴陽勘黎平高洞苗拒
捕事語具衛既殄錄初巡撫蔡天頤奏改普安食川
鹽四川省課輕每觔自一厘以下不及滇課二十分
之一歲虧銀數十兩戶部請仍食滇鹽其數年所虧
之課令川滇黔三省賠補三省官吏皆畏其難互相

設避課終不能完三十三年四月承勲疏曰滇省鹽課最重而黑井尤甚較之川省竟至二十餘倍但本省兵馬錢糧歲需協濟四五十萬亦難輕減前貴州撫臣請以普安等處改食川鹽自康熙二十六年至二十九年虧課銀一萬九千餘部議令三省賠補第滇省未售鹽已無可賠補之項黔民聽民零星買食更無可賠補之人川省雖係煎銷不能如滇課二十餘倍之多所以催追三年各執一詞至今無着惟有懇

皇上特恩蠲免則三省均沾

貴陽府志卷之九

沿蕩之仁矣更有請者自普安等處復食滇鹽每月議銷三萬勛康熙三十年終歲止銷十八萬五千勛三十一年止銷二十七萬四千勛每月三萬之議勢不能行滇鹽最貴民甘茹淡更難按口勒食今計每月止銷二萬勛伏乞

皇上恩免一萬且應銷之二萬既從滇省遠運普安其費益多又比滇中加貴民食益艱更祈免黔省稅項則兩省離政可永久無弊矣部議不從

詔免之尋遷左都御史六月授江南江西總督三十八年十一月授兵部尚書四十三年以老乞休

九之十二月加太子太保晉五級五十二年二月卒賜祭葬如例承勲去雲貴總督漢軍守恩孔繼之思孔任三月卒王繼文繼之

王繼文漢軍鑲黃旗人由官學生考授宏文院編修順治十一年遷兵部督部理事官十二年考選御史巡按陝西十四年回京授戶部郎中十八年出爲江西九江饒南道康熙初調浙江寧紹台道康熙六年裁缺十三年以候補道隨左都御史往湖北荆州督軍糧十月授雲南布政使隨大軍進征二十年六月擢雲南巡撫三十三年八月擢雲貴總督清水江賊

貴陽府志卷之九

韓世儒米元魁作亂官兵往攻之賊遁去冬知府宋敏學副將羅淇請巡邊以戢奸匪於是平鰲文斗苗光苗餒諸寨生苗皆內附納糧普安諸縣自三十年改食滇鹽歲定課銀五千兩而稅銀仍展轉徵收在黑井百勛已稅六分二釐至曲靖百勛又稅一釐四毫至貴州百勛又稅三錢煎熬需銀三錢腳價需銀一兩七錢八分通計各費每百勛需銀四兩六錢四分三釐四毫定價止三兩三錢商價皆折本畏縮不前課額不足歲歲虧欠勒各商竈賠補前總督范承勲請歲減銷十二萬勛部議駁之民間苦滇鹽價重

交易必用銀兩川鹽價輕零星販賣米穀亦可交易多私買之官吏以川鹽隱射致滇鹽擁滯大緝私販而滇課仍不充於是官商民皆困繼文據實以

聞

戶部請令三省督撫會議黔省以普安地瘠民貧不願食滇鹽川省以普安改食川鹽稅課難照滇額止從川例滇省以改食川鹽稅課無着請將課銀五千永行蠲免繼文會同貴州巡撫周興邦疏曰普安蕞爾殘區額編地丁止三千一百兩今行鹽售價卽月減一萬每歲尚需課稅薪脚一萬餘兩浮於正供兩倍萬難取盈自改食滇鹽官困民苦商賈賠累所增滇貴陽府志卷六十九

貴陽府志

卷六十九

十二

額何曾完解贏細難殊我

皇上

以順輿情於川省增引七十二張課銀二百四十五兩黔省仍歲收稅銀八十四兩有奇遇閏加銀七兩三分有奇以符賦役全書舊額滇省除鹽課五千餘兩黑井曲靖稅額一併豁除又部議取普安行鹽根由三省自具逆變亂以來文卷盡失無從稽查且事涉三省原無定限不必以遲延累官吏也疏入從之六月繼文以巡撫興邦請協餉兩疏皆駁復上疏曰部議以他省協餉皆出本年地丁而四川雲南止預

撥一次故不允撫臣所請竊以貴州舟車不通米價騰湧餉銀不按月支給則兵丁不能不借貸借貸不能不重息禁之不能雲南四川錢糧稍多預撥一季便可發藩庫按續待協餉到又復滇庫貴州盡一歲所入除他項支給外不能供軍士半月之餉何可比例有餉可支之處原屬大省藩庫有餘何必過緩臣節制雲貴兩省不請雲南夏季兵餉而獨請貴州者實見兵丁困苦不敢不陳之也伏祈

皇上

將先年冬月預撥協餉添十萬兩則夏季可按月支給俟六月他省協餉到黔秋冬又可湊放或照察省

貴陽府志

卷六十九

總辦政績錄

壬

季首關支則軍士不呼庚癸矣疏入從之初水西安勝祖自復襲宣慰使後肆行暴虐苗漢患之至三十七年正月死無子水西長官阿玉亦死無子繼文言勝祖在水西大爲民患今已病故與長官阿玉并無子若復使旁支承襲將復襲勝祖所爲請停其世襲所屬地方改歸大定平遠黔西三州流官管轄從之冬十月以老病乞休

詔以原官致仕四十年十月

特加兵部尚書銜四十二年五月卒

賜祭葬如例繼文去雲貴總督任繼之者爲滿洲巴錫巴

錫以三十八年冬任四十年十一月劾遊擊高鑑
理獄訟捏飾並劾貴州提督李芳述牒咨徇隱芳述
亦劾巴錫置咨不會稿還行題奏有違成例部議令
貴州巡撫王燕審察

上曰芳述在西甯甚有聲名此事似曲在總督巡撫與總
督同事未必從公其令侍郎溫達往勘四十一年二
月溫達還奏高鑑捏詞稟報罪應從巴錫未經詳察
又不曾題應降級芳述護庇屬員不即題參應罰俸
上免巴錫及芳述處分芳述常封吳三桂誘降書以送大
軍者也又有功故

貴陽府志 卷六十九 總部政績錄第六十六 志

上惜之四年二月銅仁紅苗反湖南鎮軍紅苗應之

上授禮部尚書錫勒達方畧命同都統圖斯海徐九如率
前鋒兵四千及荊州都統琿滿湖廣提督俞益謨廣
西提督張旺往討芳述以貴州兵會之十一月錫勒
達至鎮軍遣將士赴苗寨宣諭威德苗人薙髮呈軍
械降者三百餘寨惟天星龍椒洞排六標等十五寨
恃險不服錫勒達命芳述進取糯山土葫蘆兜沙等
寨旺進取馬鞍打郎老枉山等寨鎮軍總兵取毛都
塘老家寨兩頭羊洞亮七都樹等寨而自與珠滿俞
益謨自報木營進抵龍椒洞分兵五路扼要路以防

其賊攻滅天星寨勦洞排大梁等諸寨芳述各以所
部攀入等薰同緣崖撲勦前後斬賊千餘級餘賊悉
降所得牛馬器械以充賞資遂置正大營於銅仁芳
述歸是役也芳述功多而巴錫但司轉餉時威寧總
兵孟大志尅減兵餉巴錫以

聞復

命溫達鞫之得寔論罪如律四十五年巴錫去任湖洲貝

和諾繼之四十九年貝和諾去漢軍郭珠繼之珠有
清名祀貴州名宦祠五十六年琛去江蘇常熟蔣陳
錫繼之陳錫劾罷巡撫黃國材事具國材錄六十年

貴陽府志 卷六十九 總部政績錄第六十六 志

陳錫去漢軍高其倬繼之

高其倬漢軍讓黃旂人康熙三十三年進士改庶吉
士散館授檢討尋兼佐領四十一年充四川鄉試正
考官四十五年遷右中允尋轉左四十六年遷侍講
四十八年提督山西學政五十一年丁父憂服闋補
原官遷右庶子五十五年轉左五十六年二月遷侍
講學士十一月遷內閣學士五十八年二月丁母憂
五十九年授廣西巡撫六十一年二月署雲貴總督
十二月實授雍正元年九月疏言雲貴兩省土司承
襲例有陋規上下衙門每因文結絆錯藉端需索臣

已嚴行禁結請已後咨部文冊數字外錯無甚關係者免其改換於疏內代為聲明庶承製易結勒密弊除得

嘉慶二年二月授都騎尉世職十月定廣神苗作亂其

倬及巡撫王文鎰提督趙坤討平之語具文銓錄叙

功加其倬三級十一月其倬疏陳貴州苗疆事宜一

定番廣順頭苗皆就擒請於西猛設汛調定廣千總

駐防一定番廣順二州路通廣西泗城土府請於西

藤斷杉二處設汛以衛行旅一請改大定鎮為協裁

中營仍駐大定移其申營守備一千總一把總一分

貴陽府志卷六十九

總部政績錄第六之六 十五

防廣順所屬長寨邊貢安順所屬十三枝普安所屬

五枝諸處移把總一防羊城聖仍屬定廣協一都勻

府屬之獨山州接廣西南丹苗性尤頑請於都勻守

備駐其地一黔省境連川楚奸人販賣人口請定例

地方官一年分別拏獲人數議叙其不能查緝為他

處弋獲者亦照人數議處客人有賣買貧人子女者

報官用印亦不得至四五人違者照與販斷例治罪

一黔省與楚蜀滇粵接壤請定例夷人越界滋事者

不必拏送本省節於其地審辦又黔省有拏白放黑

之習被入劫殺力不能報將無干之家奪其人畜暗

捕冤單令其轉為報仇否則贖索請如此者加應得

罪一等一土司貧困不支往往以有糧田詭稱無糧

賣與紳商買主收無糧之田土司納無用之賦久之

完納無資派屬苗代完請徹底清查令執業輸納又

土司下設立頭人應報明有司後遇有事發一併懲

創一黔地潮濕倉米易朽請核計兵米止可存二年

之蓄多者春秋減糶著為例一黎平府與楚省五開

衛同城民苗雜處分隸兩省請改五開為縣隸黎平

以銅鼓衛併入之古州八萬苗亦屬黔省以一事權

又首雲貴兩省拔補千把皆以本管兵補本營之缺

貴陽府志卷六十九

總部政績錄第六之六 十六

同為兵丁一旦居其上難以約束節同軍千總亦羣

非笑其不肖者則又袒護兵丁將備稽查不易為力

請已後拔補本營時即於外營對調不必仍留本營

從之三年三月加兵部尚書銜十月調福建浙江總

督五年十月專督福建八年二月加太子太保五月

調江南總督九月封三等男十年正月署雲南貴州

廣西三省總督十一月回江南總督任九月

命以總督銜管巡撫事十二年降授江蘇巡撫乾隆元年

正月以疾

召還京師四月授湖北巡撫尋調湖南三年擢工部尚書

尋調戶部十月卒於寶應舟中

賜祭葬如例謚文良其倬之初去雲南總督也楊名時繼之其卒去也尹繼善繼之

貴陽府志卷六十九

貴陽府志卷七十

智勇事和周作桂夢麟軒

智勇事和周作桂夢麟軒

錄十七

總部政績錄第八之九

鄂爾泰

尹繼善

鄂爾泰字毅齋滿洲鑲藍旗人姓西林覺羅氏以舉人於康熙四十二年襲佐領授三等侍衛五十五年遷內務府員外郎雍正元年充雲南鄉試副考官

貴陽府志卷七十

特擢江蘇布政使八月授廣西巡撫三年十月

命署雲貴總督廣順長寨狃苗內結安順十三枝普定五枝外通廣西種獵實為盜藪前總督高其倬建設營汛控其險要其倬去鄂爾泰遣官獨建有李奇者川販也入苗中唆之出掠狃苗阿革阿紀阿撈阿搗皆聽之以營汛妨已出入揚言將阻其安設壘石斷路前署巡撫石禮哈馬會伯商之鄂爾泰請用兵巡撫何世璽請先撫後勦語具世璽錄

上諭其聽鄂爾泰處置五月鄂爾泰石禮哈貴州提督馬會伯討長寨狃苗阿革等平之語其禮哈錄捷

聞加鄂爾泰三級遂陳經理仲苗十一事一未獲犯中營

從者自首則免其罪一苗民失耕種免本年正賦一
歸寨者月給米鹽撫卹並給耕種資逾一月米歸土
田賞兵一苗民多占地仇殺令立契開明界址官給
印信承業一苗人多同名各照祖先造冊不知本姓
者官爲立姓一軍器悉繳隱匿及私造者處決一兵
不得欺凌平民官不約束嚴懲一移赤永同知駐長
移之得一移長寨把總駐打壤控制一員弁聞劫掠
卽行拿獲一面申報獲犯會審毋袒徇部議從之於
是始設長寨廳及長寨營撥撫提二標兵以益之十
貴陽府志 卷七十一 總部政績錄第八疏 二

月鄂爾泰疏曰雲南土官多半強豪所屬苗眾悉聽
其指使殘暴橫肆無所不至其土官懦弱者克惡目
把爲惡尤甚不但目無府州亦且心無督撫及至事
大經官或欲申理土司暗行賄賂捏詳結案上司亦
不深求以爲鎮靜而刁抗不法任拘不到者又復無
可奈何隱忍了事貴州土司單弱不能管轄所屬故
苗患更大平日燒殺劫擄掣白放黑以爲生計有徑
至城汎細人子女勒令取贖者地方文武視爲故常
或經控告宛犯百無一獲而原告並干証反拖累至
死臣甚恥之若不及此清理約定章程縱拿幾土官

殺幾苗首亦不過急則治其標本未除終難安甯
一軍伍之不振也雲南兵丁不減內地卽貴州兵弱
猶勝江南奈武弁惟事違迓羣聚省城鑽營朋比有
累升至副參而未一到營者營伍何賴臣受事以來
首行嚴禁非奉文調遣不許赴省今此風已息而
甲帳房鑼鍋斧概大半不備卽火鎗弓刀操練必需
者亦多殘缺至於空糧穀糧種種空占倒馬朋馬種
種侵勒相沿已久視爲常例卽有努力自愛之員未
免避嫌從衆雖臣確訪嚴飭寬其既往勉其將來業
據各屬稟報軍器現修糧馬現備臣未敢深信臣自
貴陽府志 卷七十一 總部政績錄第九疏 三

滇赴黔經由各鎮逐加整飭仍擬明年親歷雲南各
標協營查勘軍裝考驗兵馬則既可以知營伍虛實
以便經營又可以知地方形勢以資調度庶胸有定
見事免欺朦雲貴兩省雖山多地少然水旱均平荒
年甚少礦廠鹽井出產頗多何至兩省賦稅不如江
南一府每年協餉需銀數十萬爲百年計竊有隱憂
臣查雲南鹽課實李衛之功雖有疎漏力實不能銅
銀各廠每至缺課仍須羨餘抵補臣料斷不至此貴
州亦有礦廠衆多砂鉛欲私開則官有明禁欲官開
又難於私侵因循苟且大半中止至於鹽井共得數

虎現試煎一井已有數效託賴

山效其靈地星其寶或可得濟民食也雲南荒地甚多議者謂山宜開墾利之所在必爭趨之民所以不肯開墾者止緣地近苗疆慮苗搶割若土司遵法苗人畏伏不招自來臣所以以練兵治苗為急務也雲貴邊居天末必需商賈通流地方庶有生色今水路不通陸路甚險往來貿易非肩挑即馬負費本既多獲利甚微是以裹足不前諸物艱難臣查湖南水道直達鎮遠山鎮遠施秉可抵黃平界雖中有阻礙臣現已開通黃平雖山高水陡不能行舟然不通一二貴陽府志

卷七十

總部政績錄第六卷

四

站若由重安江湖源而上漸次開濬又可通行一二站也有貴陽而南水路難通然開通旱路使可行車猶人力所能為況雲南金沙江可通蜀中東川牛欄江直通永甯黎平可通湖廣縱使一時難措而積日累月未始不少濟也十一月請分別流土官考成疏曰土官之設原以官斯土者苗蠻難禦風土不宜故以上官為之鈐制而流官為彈壓數百年來土司漫無考成以苗治苗無異以盜治盜徒挾土司之勢以殘虐羣苗又縱羣苗之兇以荼毒百姓橫征苛歛貢之

朝廷者百不一二瘡痍劫擄擾我民生者十常八九伏讀

諭以流官吏目職分卑微如何改重使流土相安臣竊念流官職守當重而土官之考成宜嚴土官之考成不嚴則命盜之案日積大凡殺人劫財者皆係苗獍雖報聞即捕而潛匿寨中已莫可窺探無論吏目微員呼調不應即使府州關移臬司牌票亦置若罔聞十無一解非知情故縱即受賄隱蔽流官束手無策大吏深難其事不敢題咨多從外結其實外結者亦復無幾故劫殺愈多盜賊愈甚苗人無迫賊償命之貴陽府志

卷七十

總部政績錄第六卷

五

憂土官無降級革職之罪有利無害何靳而不擄掠據臣愚見事有專責考成宜分三途雖各不免參罰而輕重攸分盜起內地即是鄉保不能稽查而捕快又不能緝獲也責在文員盜自外來是塘汛不能盤詰而兵丁又不能救援也責在武弁盜由苗寨是平時不行鈐束而臨事又不能防閑也責在土司以此三者分別議罪土官無辭流官亦服至於清盜之原莫善於保甲保甲之法率以十戶雲貴土苗龐雜戶多畸零保甲不行多主此議不知除生苗外無論民夷自三戶以下皆可編甲不及三戶者編附近甲無

許零住逐村經理逐戶稽查責在鄉保甲長一遇有
事罰先及之一家被盜一村干連保長甲長不能覺
察左隣右舍不能救護各皆酌罰無所逃罪此法一
行則盜賊來時合村鳴鑼響應互相救護雖有兇狠
之盜不可敵當看其來踪尾其去路必不可逃保甲
之外最宜嚴責者莫如捕快與汛兵蓋內地之盜捕
快多知情外來之盜塘兵且通氣捕快宜分定鄉村
某村失盜宜責在某人而捕快之中奸良不一又須
十人立一快頭緝盜不獲捕快與快頭同一治罪大
抵盜情未有能欺捕快者塘兵之設原以晝盤詰夜

貴陽府志

卷七十

總部政績第八之九

六

巡防伊等平日無事晝則賭博夜則酣睡甚者出入
不意乘機偷竊種種不法又或夥眾結強咬使劫掠
陽防陰助其惡不可勝言必須嚴加號令定為成法
使不得不得留心稽查則盜賊弭而兵丁可用矣皆從
之五月三月黎平謬衡花苗作亂鄂爾泰及提督楊
天縱會湖廣總督邁柱兵討平之語具大縱及張廣
泗錄初安龍總兵蔡成貴言廣西西隆州古障土目
王尚義等與貴州普安捧鮮苗目阿九互爭至染烏
舍壩黎魯桑等聚因土目讐殺案係外結例無考成
是以遲延請

粵二省委大員審理兩省交界土苗立定期限
鄂爾泰議行廣西泗城土府延袤二千餘里與貴州
普安永甯定番相錯山高地險夷獯難處仇殺時聞
內地奸民倚為淵藪土知府岑震映淫虐害民鄂爾
泰奏請懲治五月

廣西巡撫韓良輔赴雲南會議用兵又以侍郎李紱
原任廣西巡撫辦理土司不善

良輔同赴雲南鄂爾泰以滇粵相拒遼貴州安龍與
泗城接壤請至其地會議時泗城之者相與普安之
者壩互爭地界六月震映率三千至者相聞鄂爾
貴陽府志

卷七十

總部政績第八之九

七

泰在雲龍懼乞改流存祀奏革震映世職免罪安置
浙江給其弟映翰土知府頂戴奉其祖岑繼祿祀七
月鄂爾泰李紱韓良輔合疏曰紅水江在黔粵交界
粵在江南黔在江北惟泗城西隆兩處苗獯之地多
跨江而北與黔省畛域相連邨寨相間苗性獷悍輕
生睚眦必報黔員既難統轄粵員又難遙制遂致讐
殺劫掠不休今議紅水江以北屬貴州紅水江以南
屬廣西即有爭奪事隸一省易於完結應將西隆所
屬江北之羅煩州等甲俱隸貴州于長壩設州治
增知州一學正一吏目一經理化導東北羅斛等甲

上苗究頑應設州判一冊亨等甲應設州同一分理
龍港巴結等甲又設城守遊擊一守備一千總一把
總二兵五百以遊擊千總兵二百五十防守州治以
守備兵百五十防守州同所治以把總兵百防守州
判所治歸安籠鎮總轄再者安順一府已轄三州五
縣南籠一廳地方已闌今再轄新設州勢難兼顧請
將南籠廳改設府治增設知府一經歷一仍留南籠
通判佐理將附近之普安州普安安南二縣並新設
知州俱歸南籠管轄普安之捧鮮有養馬等處迤迤三
十里爲三江咽喉苗獍要害上江白雲聖險峻異常

貴陽府志

卷七十

總部政務卷之九

八

惟一徑攀援而上法巖寨山高十五里路險巖危至
柴寨烟戶百餘家田多民富苗獍據險負嵎應於捧
鮮設一營白雲洞之上撥弁兵扼險法巖洞之上設
大汛防守不惟黔苗可控制粵苗亦不敢起釁矣查
黃草壩從無焚掠大寨應將駐防黃草壩之安籠右
標遊擊一千總一把總一兵三百移駐捧鮮將原駐
捧鮮之把總移駐黃草壩黃草壩居民稠密漢多苗
少距州寫遠應於普安增設州判駐劄巡撫何世璠
亦言黔粵宜以紅水江爲界從之十月鄂爾泰至貴
州言古州生苗爲難逃剿數宜用兵清理

上諭之鄂爾泰使黎平知府張廣泗率副將李登科相機
招撫將行鄂爾泰張廣泗之慮泗有所請而爾泰勸
醢不已廣泗不得已言燕罷請問鄂爾泰曰君以爾有
大將才今而後知其非也兵糧不足則必請之其餘
機宜爾自決之豈必一一詢之上官耶廣泗大悅十
一月鄂爾泰與提督楊天縱招撫長寨生苗語具天
縱錄

上以招撫功加鄂爾泰一等輕車都尉鄂爾泰又請以張

廣泗爲貴州按察使從之六年三月廣西西隆八達

寨獍苗顏光色作亂鄂爾泰檄安籠總兵蔡成貴會

貴陽府志

卷七十

總部政務卷之九

九

廣西兵之賊巢險峻破攻不能破成貴出示招撫
其黨與泥洞等寨皆降獍人抱金抱富誘斬光色以
獻餘黨猶負固成貴與廣西兵分路進遣南籠土練
潛入其巢縱火焚之獍人死者無算獲男婦百八十
人事

聞加成貴都督僉事五月使廣泗討八寨苗八寨爲都勻

要地丹江清江古州諸苗之咽喉窟穴其中者爲黑

苗明代隸天壩土司自康熙二十一年戕害土司天

應祿後改屬都勻府亦不能制與化外無殊楊烏也

告楊堯諸寨最強大常剽掠漢人附近小寨皆役服

之又有番仰番扛擺卓諸苗十餘寨與丹江調生苗
公結剿掠都勻平越鎮遠諸府皆苦之古州生苗亦
時劫掠黎平張廣順初入苗洞招撫盡以其情形告
鄂爾泰鄂爾泰奏曰黔省半為生苗所據貴陽南甯
安順並直抵粵界之生苗獯狁皆已向化惟黎平鎮
遠都勻凱里等處生苗踞黔楚粵三省之間道途險
阻聲教難通肆意橫掠地方官不敢過問若不乘長
寨謬衝烏蒙泗城諸苗震懾之後亟加懲治終為邊
方之患但各種生苗雜處數郡之中延袤二千餘里
良頑強弱不同其最強最頑者宜首加禽治其良懦

貴陽府志

卷七十一

總纂劉世明

十

者示以撫恤則威足以攝其膽而恩可以服其心若
非循次而為之亦難得其要領而坐失機宜臣於雍正
六年正月檄按察使張廣泗赴滇細商令其先由
都勻之凱里次及鎮遠之九股然後至黎平之古州
八萬收局廣泗才識素優膽畧兼具其招撫苗寨戶
口糧數俟造清冊送部安營設鎮置官添兵容臣與
撫提二臣妥商定議另疏請

五月

月十六日廣泗由貴陽率兵赴都勻提督楊天縱調
兵益之六月以鄂爾泰總督貴廣西三省七月奏
以張廣泗為貴州巡撫十月八寨苗平十一月廣泗

勅丹江苗十二月丹江苗平鄂爾泰又請改貴西驛
路疏曰黔省通滇大路陡窄盤紆爭勝一錢關嶺盤
江等處尤屬險峻車馬難行商賈裹足臣擬由安順
府之安莊另開新路直出普安州之亦資孔驛寬平
俾可行軍以便往來前經臣奏明續因黔員議論不
一臣恐已見未合遂復暫停茲因公赴滇復加查問
咸稱新開平坦開修實便臣委員細勘詳覆今據布
政使鄂彌達驛糧貴東道楊永斌詳言自鎮寧黃果
樹入新路至普安州蒿子卡仍合舊路計程止二百
四十里八分其間花局阿樂郎岱等處道路寬整可
貴陽府志

卷七十一

總纂劉世明

十一

以行軍雖有千郎籌策險窄之處不過里許亦屬
易開其餘如土地打鐵箇古等關以及石龍那當列
當趕場猪場等坡一經開平可成大道沿途河溝因
地制宜各建大小木橋不難濟涉惟西林一渡寬約
百丈水勢頗緊然製造船隻亦可穩渡查舊路至關
嶺普安州原有八驛其關嶺盤江江西坡軟橋四驛
係驛丞經營其餘四驛係承甯普安二州普安安南
二縣經營今所改新路自黃果樹起至蒿子卡止計
六驛既平且近每驛不過四十餘里應將原設之承
甯普安二州安南普安二縣關嶺軟橋二驛經費撥

入新驛裁去盤江江西坡二驛合計每年省夫馬草料銀一千八百八兩二錢米一百三十二石四斗八升穀一千二百九十六石至官役俸工仍留撥新驛將關嶺驛丞移駐坡貢盤江驛丞移駐那當江西坡驛丞移駐楊松軟橋驛丞移駐大山凹其魯安舍其場以魯安典史移駐其地兼理驛務仍同緝捕即舊一驛以魯安典史管理仍同緝捕緝均給以驛丞鈐記其四驛驛丞亦如巡檢職銜兼同緝捕各地方統轄軟橋原無站夫今移駐大山凹立為腰站所屬站夫應於楊松亦資札上下兩驛接換驛路既改

貴陽府志

卷七十

總部政績驛路

七

護驛之營訊亦宜更設即舊故有安龍防駐之汛兵不必再議其餘五驛應於適中之那當設立一營四驛各設一汛設塘檢二十三處查盤江一營原為孔道要隘設有守備一千總一把總二員兵二百八十名請移其守備千總各一兵百八十移那當其把總二員一防坡貢一防舍基各領兵五十至於楊松近安南營應移其營原防魯安縣之千總一兵五十防守大山凹近魯安營應移其營把總一兵五十防守新路如此安設營汛始有神益至於舊路營汛既經全移而永甯州汛原係駐江營所撥此路雖係僻道

州治不可無兵應將安龍原防關嶺汛兵移駐於此即於其汛置撥兵十分防關嶺盤江橋安南營原防魯安千總額兵八十除撥防新路外尚餘三十令安南營撥外委一員帶領防守如此則舊路亦可資巡查盤江營既移那當應改名永安換給關防總計所需修建橋梁船隻及驛舍衙署管房共需工料銀一萬一千五百八十七兩有奇請支司庫正項銀兩委承辦之原任安順知府何經文現任清鎮知縣張世昌辦料興工俟工竣之日造冊題銷如此則驛地商民均便捷矣七年正月加鄂爾泰三等男鄂爾泰請

貴陽府志

卷七十

總部政績驛路

十三

改貴東驛疏言自黃絲驛至平越府四十里自平越府至楊老驛四十里此八十里內有武勝關陡箐營葛鏡橋等處尤為險峻自黃絲以下由虎場分路不經平越直達楊老僅五十里其間如擦耳崖魏家洞張正堡湯鍋河清水塘新堡等處俱屬平坦雖有田坎濫路培砌即可坦行沿途河溝小澗各建大小石橋不難濟涉比舊路少三十里又平且近請裁去黃絲一驛將平越驛夫馬移於適中之西陽塘管理夫役驛丞微員呼應不靈仍歸平越縣管理並稽查解餉解犯等事以專責成新路摺汛自西陽至楊老應

設一沈三塘黃絲驛既裁請將黃絲汛移駐酉陽仍於黃絲安設一塘新路之楊土坪魏家洞各安一塘每塘各設兵五名又每塘應設鋪司四名以遞公文黃絲現有鋪兵不必添設楊土魏家二塘共設兵八名照例給銀米其修治驛治衙署營汛塘房等項需工料銀三千九百三十五兩請支司庫正項即委原勘之鎮遠知府劉枏會同平越府縣興工工竣造冊具詳又查上游前改設新路六站每站俱三四十里不等以毛口河為適中獨過河至舍基場一站比舊路雖平道途尚遠且舍基場抵楊松楊松抵大山貴陽府志

卷七十

總部政績錄第六十九

古

四驛路亦不甚均毛口一驛安設河坪係人馬住宿之所春夏水漲勢難改移請將下流所裁之黃絲腰驛馬匹官役移駐毛口而以毛口大驛移駐於適中之列當庶道里均平人馬免跋涉之苦矣列當既設正站則去舍基場止二十里請移舍基一驛於曾安之罐子窰罐子窰既設驛去楊松止三十里未便重設正站請將原設大山凹之腰驛改移楊松以楊松大驛移設普安屬之劉官屯一轉移間而驛遞商民俱便矣疏入皆從之五月巡撫張廣泗勦清江苗六月清江平進剿古州苗七月古州平加鄂爾泰少保

七月思州知府劉枏言本月初八初九初十七八二十一日皆有慶雲見聞七月古州副將趙文英言慶雲見於梅得八月巡撫張廣泗進嘉禾事具廣泗錄十月署普安知州朱啟東言稻已刈其根復生芽至十月楊花結實民再收穫都勻知府王鍾詢言有靈芝生於清水江雲南省城亦言慶雲見屬官皆聚督署觀之清水江為湖南沅水上流都江為廣西柳江上流戰國時楚莊躋乘舟泝沅水至梓柯都勻其後數百年為生苗所據不復通舟揖諸苗既平鄂爾泰令都勻鎮遠黎平三府知府修都江清江鑿其貴陽府志

卷七十

總部政績錄第六十九

古

險灘於是湖南商船達都勻府城廣西商船達獨山州三角壘都勻清江相近處止五十里鄂爾泰欲溝通之尋以工鉅乃止十一月清江苗復叛古州總兵蘇大有討平之十二月請設新開苗疆營汛官員疏陳十一事一八寨距都勻九十里苗屬都勻營防守地方遼闊宜改都勻營為協駐劄其地設副將一冊江逼近凱里素為生苗盤據宜增冊江營設參將一冊九股苗強悍宜移黃施遊擊駐施秉舊縣一清水河有南北兩岸居中宜增清江協設副將一鎮遠協原防清江今改為營設參將屬清江協一天柱營向

設參將今既分設營汛改為都司一古州為都司黎平要害宜設總兵改黎平協為營聽古州總兵統轄一營汛既定宜設文員化導增都司同知一駐八寨通判一駐丹江鎮遠同知一駐清江黎平同知一駐古州俱加理苗街一所設同知通判於同駐官兵內各撥把總一兵百以為親標護衛一施秉舊縣添設縣丞從之都江之來牛古州之定旦諸苗作亂貴州兵會廣西兵討之八年二月來牛定旦諸苗平五月古州三保苗叛六月官軍討平之上江下江來牛定旦諸苗復叛九月古州總兵蘇大有討平定旦苗古

貴陽府志

卷七十

總部政績錄第八之九

十六

州滾宗諸苗叛十二月署古州總兵董芳討平之九年四月上江來牛諸苗平七月古州下江諸苗平請割古州之上江百有八寨為上江廳設都江通判分駐之又設上江協副將一遊擊一守備千總各二把總四兵九百六十分防打畧拉攏隴寨柳疊三角八開定旦又設廳標把總一兵百以護衛通判兼打畧定旦八開三汎土城及古州之滾縱王嶺小都江嶺賈寨松高表六汎土城十年正月

召鄂爾泰入京投保和殿大學士兼兵部尚書辦理軍機事務

諭曰鄂爾泰節制三省歷有年歲於所屬苗疆悉心經理使蠻夷向化咸登樂土古州生苗自昔未歸王化鄂爾泰運籌調度勦撫兼施俾苗人懷德畏威抒誠內嚮疆域開拓邊境輯寧數年以來屢著非常功績其授一等伯世襲罔替四月設清江鎮

上諭曰朕與鄂爾泰面加商酌新疆遼闊兼有內地舊汛非古州一鎮所能統轄都江清水二江地界形勢劃然兩路牽合歸一終難控禦而古州鎮處都江適中清江協處清江適中各據要區若於清江協裁去副將設一總兵將新疆之丹江營與內地之銅仁鎮連

貴陽府志

卷七十

總部政績錄第八之九

十七

黃施天柱石肝平越等協營俱歸管轄其都司協黎平營並新設之上江下江諸協營俱屬古州鎮則數千里之苗疆可無鞭長不及之慮矣七月

命督巡陝甘經畧軍務十一年六月還京仍兼兵部事十月充八旗館總裁兼署吏部十二年七月兼署滿州鑲黃旗都統十三年正月充文穎館總裁五月以台拱苗叛請解大學士任削伯爵許之

命仍留三等男八月

高宗卽位

命與莊親王果親王及大學士張廷玉總理事務十二月